

No. 26/2003  
6. október 2003

## Helstu liðir í efnahagsreikningi Seðlabanka Íslands

Meðfylgjandi eru upplýsingar úr efnahagsreikningi Seðlabanka Íslands í lok september 2003 og til samanburðar í lok desember 2002 ásamt breytingum í september 2003 og frá ársbyrjun 2003.

Gjaldeyrisforði Seðlabankans jókst í mánuðinum um 5,3 milljarða króna og nam 46,4 milljörðum króna í lok september (jafnvirði 611 milljóna Bandaríkjadala á gengi í mánaðarlok). Erlend skammtímalán bankans vegna gjaldeyrisforða eru engin, en um síðustu áramót námu þau rúmlega 16 milljörðum króna.

Seðlabankinn keypti gjaldeyri á innlendum millibankamarkaði fyrir 4,4 milljarða króna í september í samræmi við áætlun hans um aðgerðir til að styrkja gjaldeyrisstöðu sína sem m.a var greint frá í maihefti Peningamála 2003. Gengi íslensku krónunnar styrktist um 0,4 % í septembermánuði.

Markaðsskráð verðbréf í eigu bankans námu 4,3 milljörðum króna í septemberlok miðað við markaðsverð. Þar af námu markaðsskráð verðbréf ríkissjóðs 1,2 milljörðum króna.

Kröfur Seðlabankans á innlánsstofnanir lækkuðu um 5,9 milljarða króna í september og námu 55,7 milljörðum króna í lok mánaðarins. Kröfur á aðrar fjármálastofnanir lækkuðu einnig um 4,1 milljarð og námu 3,1 milljarði króna í mánaðarlok.

Nettókröfur bankans á ríkissjóð og ríkisstofnanir lækkuðu um 5,3 milljarða króna í september og námu nettóinnstæður ríkissjóðs 28,2 milljörðum króna í lok mánaðarins.

Grunnfé bankans lækkaði í september um 9,4 milljarða króna og nam 31,6 milljörðum króna í mánaðarlok.

Nánari upplýsingar veita bankastjórar Seðlabanka Íslands og Erla Árnadóttir aðalbókari í síma 569-9600.

Helstu liðir í efnahagsreikningi Seðlabankans  
í milljónum króna

|                                                  | Staða í lok tímabils |           | Hreyfingar 2003 |           |
|--------------------------------------------------|----------------------|-----------|-----------------|-----------|
|                                                  | Desember             | September | Frá ára-        | Í         |
| <b><u>Eignaliðir :</u></b>                       | 2002                 | 2003      | mótum           | september |
| Gjaldeyrisforði                                  | 37.194               | 46.367    | 9.173           | 5.322     |
| Gull                                             | 1.727                | 1.859     | 132             | -40       |
| Erlendur gjaldeyrir                              | 33.418               | 42.489    | 9.071           | 5.398     |
| SDR                                              | 12                   | 5         | -6              | 0         |
| Gjaldeyrisstaða IMF                              | 2.038                | 2.014     | -24             | -35       |
| Markaðsskráð verðbréf                            | 5.260                | 4.346     | -914            | 2         |
| Ríkissjóðs                                       | 1.816                | 1.217     | -599            | -2        |
| Annarra                                          | 3.445                | 3.130     | -315            | 5         |
| Kröfur á innlánsstofnanir                        | 69.141               | 55.655    | -13.485         | -5.888    |
| Kröfur á aðrar fjármálastofnanir                 | 8.227                | 3.130     | -5.097          | -4.078    |
| <b><u>Skuldaliðir:</u></b>                       |                      |           |                 |           |
| Erlendar skuldir til skamms tíma                 | 16.499               | 207       | -16.291         | 0         |
| Seðlar og mynt                                   | 9.590                | 9.714     | 124             | -318      |
| Almennar innstæður innlánsstofnana               | 1.164                | 817       | -347            | -211      |
| Staða á bindireikningum innlánsstofnana          | 21.837               | 21.046    | -791            | -8.901    |
| Almennar innstæður annarra fjármálastofnana      | 75                   | 30        | -45             | 9         |
| Staða á bindireikningum annarra fjármálastofnana | 1.258                | 1.085     | -173            | 63        |
| <b><u>Liðir til skýringar :</u></b>              |                      |           |                 |           |
| Gjaldeyrisstaða Seðlabankans, nettó:             | 20.696               | 46.160    | 25.464          | 5.322     |
| Kröfur á ríkissjóð og ríkisstofnanir, nettó:     | -20.846              | -28.162   | -7.316          | -5.316    |
| Kröfur á aðra, brúttó                            | 77.454               | 58.903    | -18.552         | -9.955    |
| Grunnfé:                                         | 32.590               | 31.577    | -1.014          | -9.431    |

### Skýringar:

*Gjaldeyrisforði* sýnir brúttóeign Seðlabankans í erlendum gjaldeyri. *Erlendur gjaldeyrir* sýnir innstæður í erlendum bönkum og erlenda verðbréfaeign bankans. *Gjaldeyrisstaða við IMF* sýnir hreina innstæðu bankans hjá Alþjóðagjaldeyrissjóðnum. *Markaðsskráð verðbréf ríkissjóðs* sýna eign bankans í spariskírteinum ríkissjóðs, ríkisbréfum og ríkisvixlum. *Markaðsskráð verðbréf annarra* eru húsbref og húsnæðisbréf. *Kröfur á innlánsstofnanir* eru brúttókröfur bankans á innlánsstofnanir. *Kröfur á aðrar fjármálastofnanir* eru brúttókröfur bankans á þessar stofnanir. *Erlendar skuldir til skamms tíma* sýna gjaldeyrisinnstæður í Seðlabanka Íslands. *Seðlar og mynt* sýna heildarfjárhæð seðla og myntar í umferð utan Seðlabanka. *Almennar innstæður innlánsstofnana og annarra fjármálastofnana* eru innstæður þeirra á viðskiptareikningum í Seðlabankanum og *bundnar innstæður innlánsstofnana og annarra fjármálastofnana* eru innstæður sem þeim er skylt að eiga í Seðlabankanum í samræmi við bindiskyldu sem bankinn ákveður. Neðanmáls eru sýndir fjórir liðir til skýringar, í fyrsta lagi *nettógjalddeyrisstaða Seðlabankans* sem sýnir erlendar eignir til skamms tíma að frádregnum erlendum skuldum til skamms tíma, í öðru lagi *nettókröfur Seðlabankans á ríkissjóð og ríkisstofnanir*, þ.e. skuldir þessara aðila við Seðlabankann að frádregnum innstæðum þeirra í bankanum, í þriðja lagi innlendar brúttókröfur á aðra en ríkið, og í fjórða lagi *grunnfé* bankans en til þess teljast seðlar og mynt í umferð og innstæður innlánsstofnana í Seðlabankanum.